

Bosna i Hercegovina, Generalno tajništvo Vijeća ministara, Trg Bosne i Hercegovine broj 1, 71000 Sarajevo, kojeg zastupa generalni tajnik mr. Robert Vidović (u daljem tekstu: Ugovorni organ)

i

Euridica d.o.o., Vase Pelagića 58, Banja Luka, kojeg zastupa Nebojša Bulatović, (u daljem tekstu Ponuđač)

U G O V O R

o nabavci usluge pripremnih radnji, snimanja i davanja preporuka za uspostavu standarda i procedura shodno ISO certifikaciji – Faza 3

Član 1.

(Predmet ugovora)

Ugovorne strane saglasno utvrđuju da je Ponuđač ***Euridica d.o.o., Vase Pelagića 58, Banjaluka*** odabran kao najpovoljniji ponuđač za nabavku usluge pripremnih radnji, snimanja i davanja preporuka za uspostavu standarda i procedura shodno ISO certifikaciji – Faza 3, a na osnovu konkurentskog postupka za dostavu ponuda za nabavku usluge pripremnih radnji, snimanja i davanja preporuka za uspostavu standarda i procedura shodno ISO certifikaciji – Faza 3, broj: 06-16-3-1404-2/25 od 09.06.2025. godine.

Član 2.

(Cijena)

Ukupna cijena ponude na godišnjem nivou, bez poreza na dodanu vrijednost, iznosi 42.735,05KM (slovima: četrdesetdvijehiljadesedamstotinatridesetpet i 05/100KM), a sa uračunatim porezom na dodatnu vrijednost iznosi 50.000,00KM (slovima: pedesethiljada i 00/100KM).

Svi elementi cijene ponude koji sačinjavaju ukupnu vrijednost ugovora su nepromjenljivi u toku trajanja ugovora.

Član 3.

(Rok isporuke)

Rok za izvršenje usluge je 60 (šezdeset) dana od dana potpisivanja ugovora, uključujući sve potrebne radnje u skladu s gore navedenom specifikacijom – Aneks 2.

Član 4.

(Obaveze ponuđača)

Ponuđač se obavezuje da će, u sklopu realizacije ovog Ugovora, isporučiti i uspostaviti sistem za upravljanje IT rizikom (ITR softver) te osigurati relevantne usluge i izlazne rezultate za 2025. godinu. Obaveze uključuju:

1. Isporuku i uspostavu ITR softvera i portala za dobavljače:

- Osiguranje softverskog GRC sistema (ITR) sa jednogodišnjom licencom, koji posjeduje autorska prava i podržava upravljanje informacijskom sigurnošću (ISMS) i IT upravljanje (ITG).
- ITR softver mora imati module za evidenciju **IT imovine, prijetnji, ranjivosti, procjenu rizika** (uključujući eksport u Excel), te **registar rizika**.
- Uspostava **portala za procjenu rizika dobavljača** sa funkcionalnostima za definiranje upitnika, slanje dobavljačima, **AI** analizu unosa (sažimanje, usporedba), isticanje visokog rizika i jednostavno ponavljanje unosa.
- Osiguranje **administracije sistema** (upravljanje korisnicima, pravima, nadogradnje).

2. Godišnje izlazne rezultate i izvještavanje (za 2025. godinu):

- Izradu **Izvještaja o IT sigurnosti** sa sažetkom za menadžment, baziranog na podacima Ugovornog organa.
- Izradu **snimke stanja infrastrukture i GAP analize** sukladnosti za 28 odabranih kontrola prema ISO 27001.
- Pružanje **podrške uspostavi sustava kontrola** u procesima kod krajnjeg korisnika.
- Izradu **preporuka za automatiziranje, prilagodbu i unaprjeđenje** odabranih 28 ISO 27001 kontrola.
- **Ažuriranje podataka** o prijetnjama, ranjivostima, IT imovini i procjenama rizika u ITR softveru.
- **Prilagodbu izvještaja** iz ITR sistema za potrebe e-vlade.
- **Implementaciju portala** za prikupljanje podataka o pružateljima IT servisa za procjenu rizika / NIS2 usklađenosti.

3. Održavanje softvera:

- Osiguravanje **održavanja ITR softvera** (ažuriranje SQL baze podataka i aplikativnog sistema) na postojećim virtualnim serverima Ugovornog organa, radi funkcionalnosti, dostupnosti i sigurnosti sistema.

4. da usluge koje su predmet Ugovora izvrši kvalitetno prema standardima struke;
5. vrijeme za izvršenje svih ugovornih obaveza je **60 dana** od dana potpisivanja ugovora/uvođenja u posao;
6. da po stupanju na snagu ovog ugovora odredi stručnu osobu koja će koordinirati obaveze iz Ugovora.

Član 5.

(Obaveze ugovornog organa)

Obaveze Ugovornog organa jesu sljedeće:

1. da prati i nadgleda pružanje usluge na temelju definirane specifikacije;
2. nadgleda i po okončanju posla primi pružene usluge;
3. da Ponuđaču omogući pristup svim informacijama, resursima i kapacitetima Ugovornog organa neophodnim za izvršenje predmetnih usluga, te da osigura dostupnost potrebnih ulaznih parametara, ukoliko tražene informacije nisu u suprotnosti sa globalnim sigurnosnim informatičkim politikama;
4. plati Ponuđaču, na osnovu ispostavljenog računa za pružene usluge i potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga;
5. po stupanju na snagu ovog ugovora odredi stručnu osobu koja će koordinirati obaveze iz ugovora.

Član 6.

(Mjesto isporuke)

Mjesto isporuke usluge je: Generalno tajništvo Vijeća ministara BiH, Trg Bosne i Hercegovine broj 1, 71000 Sarajevo.

Član 7.

(Garancija za uredno izvršenje ugovora)

(1) Ugovorni organ utvrđuje garanciju, bezuslovnu bankovnu garanciju za dobro izvršenje posla – Ugovora na iznos od 10 % (deset posto) od vrijednosti Ugovora (vrijednosti najpovoljnije ponude), odnosno u iznosu od 5.000,00KM slovima: pethiljada i 00/100KM u skladu sa tenderskom dokumentacijom sa periodom važenja rok izvršenja ugovornih obaveza + 30 dana od momenta zaključenja Ugovora, naplativom na prvi poziv i bez prava prigovora.

(2) Ponuđač je obavezan garanciju za uredno izvršenje Ugovora predati Ugovornom organu u roku od 10 dana od dana zaključivanja Ugovora.

(3) Garancija za uredno izvršenje Ugovora dostavlja se u originalu i ne smije biti ni na koji način oštećena.

(4) Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključeni ugovor će se smatrati apsolutno ništavim. U tom slučaju Ugovorni organ će ponuditi zaključivanje Ugovora drugorangiranom prodavcu.

(5) Ukoliko ne nastupi ni jedan od slučajeva koji bi zahtijevao realizaciju garancije za dobro izvršenje Ugovora, Ugovorni organ vrši povrat garancije Ponuđaču.

(6) Bezuslovna bankarska garancija za uredno izvršenje Ugovora će se aktivirati u punom iznosu i poslužiti će za pokrivanje stvarne štete i troškova koje Ugovorni organ može imati ukoliko Ponuđač ne izvršava ili neuredno izvršava odredbe zaključenog Ugovora.

(7) U slučaju da Ponuđač neispunjava ili neuredno izvršava sporazumom dogovorene obaveze, Ugovorni organ je dužan da dostavi pisano obavještenje o

svakom navodnom propustu izabranog Ponuđača da postupi po potpisanom Ugovoru, a ukoliko izabrani Ponuđač u razumnom roku ne otkloni navedene nedostatke, Ugovorni organ može realizirati bankovnu garanciju, kao i djelimično ili potpuno raskinuti ovaj Ugovor.

Član 7. (Plaćanje)

Plaćanje se obavlja na osnovu ispravne fakture ponuđača, za uredno izvršenu isporuku usluga, u roku od 15 (petnaest) dana od dana potpisivanja Primopredajnog zapisnika od strane ovlaštene osobe Ugovornog organa koji će sadržavati kvantitativno/kvalitativni prijem usluga. Ponuđač će ispostaviti fakturu u KM (konvertibilnim markama).

Član 8. (Porezi)

Ponuđač je odgovoran u potpunosti za sve poreze, takse, dozvole, odobrenja i ostale zakonske obaveze koje nastanu do momenta isporuke usluge Ugovornom organu.

Član 9. (Prelazne i završne odredbe)

Ugovorne strane su saglasne da Ponuđač nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 10. (Rješavanje sporova)

- (1) Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.
- (2) U slučaju da sporazum nije moguć, spor će rješavati Sud Bosne i Hercegovine.

Član 11. (Raskid ugovora)

- (1) Ako jedna ugovorna strana ne ispuní svoju obavezu, druga strana može zahtijevati ispunjenje ugovornih obaveza ili raskinuti ugovor, a u svakom slučaju ima pravo na naknadu štete.
- (2) U slučaju raskida Ugovora, shodno će se primijeniti odredbe Zakona o obligacionim odnosima kojima se reguliše dejstvo raskida ugovora.

Član 12.
(Zaključivanje Ugovora)

- (1) Ugovor se smatra zaključenim kad ga potpišu obje ugovorne strane, i važi godinu dana od dana potpisivanja;
- (2) Ovaj ugovor je sačinjen u pet istovjetnih primjeraka, dva za Ponuđača, dva za Ugovornog organa i jedan za Pravobranilaštvo BiH.

PONUĐAČ



EURIDICA D.O.O.
BANJA LUKA

Broj: 01-96NB/25

Banja Luka, 11.8.2025. god.

UGOVORNI ORGAN



GENERALNO TAJNIŠTVO
VIJEĆA MINISTARA BIH

Broj: 06-16-3-1404-11/25

Sarajevo, 01.08.2025. god.

